


兩漢書疏證



兩漢書疏證



後漢書疏證卷二十八

吳 沈欽韓撰

上黨郡

水經注後漢分沾縣爲樂平郡地形志樂平郡後漢獻

帝置晉志云樂平泰始中置

元和志寰宇記皆從之

其并州總敘

又云建安二十年分上黨置樂平郡按文帝紀魏景元

四年封十郡爲晉公并州有樂平郡則郡非晉置

元和志晉

又別置樂平縣

按魏志管甯傳并州牧高幹表除鉅鹿張琄爲

樂平令則縣乃漢置非晉置

梁習傳習于上黨表置屯田都尉二人

長子

通典潞州長子縣漢舊縣

隋志後齊廢開皇九年置曰寄氏縣十八年改爲長子

水經注濁漳水東逕長子縣故城南周史辛甲所封邑

也

元和志後魏風土記曰神農城在羊頭山上山下有神農泉卽神農得嘉穀之所按劉昭于此縣引上黨

記及壺關三老令狐茂事皆當壺關縣下地形志壺關有令狐徵君墓是也晉書符丕記慕

容永以丕至平陽恐不自固乃遣使求假道還東丕弗

許遣王永及符纂攻之以俱石子爲前鋒都督與永戰

於襄陵王永大敗及石子皆死之丕之臣佐皆沒慕容

永永乃進據上黨之長子僭稱大號慕容盛記盛隨慕

容永東如長子謂叔父柔曰今崎嶇于鋒刃之間在疑

忌之際愚則爲人所猜智則危甚巢幕當如鴻鵠高舉

一飛萬里不可坐待罟網也於是與柔及弟會間行東
歸于垂歲餘永誅儁垂之子孫男女無遺通鑑太元十
九年燕主垂進軍圍長子西燕主永欲奔後秦侍中蘭
英曰昔石虎伐龍都太祖堅守不去卒成大燕之基今
垂七十老翁厭苦兵革終不能頓兵連歲以攻我但當
城守以疲之永從之困急求救于晉魏晉魏兵皆未至
大逸豆歸部將伐勤等開門內燕兵燕人執永斬之以
宜都王鳳爲雍州刺史鎮長子

屯留

通典潞州屯留縣漢舊縣

隋志後齊廢開皇十六年復

水經注漳水

東逕屯留縣南又屈逕其城東故留吁國也竹書紀年

梁惠成王元年韓共侯趙成侯遷晉桓公于屯留

地形志絳

水自寄氏界來入濁漳因名交漳按水經注絳水西出穀遠縣東發鳩之谷又云漳水出鹿谷山與發鳩連麓而在南劉昭于長子縣旣引山海經漳水出發鳩山復于此縣云漳水出鹿谷山叙致重複蓋當云絳水出鹿谷誤爲通鑑永嘉三年王彌劉聰共攻壺關太傅越遣漳水也

淮南內史王曠將軍施融曹超將兵拒聰等曠濟河欲長驅而前融曰彼乘險間出我雖有數萬之眾猶是一軍獨受敵也且當阻水爲固以量形勢然後圖之曠怒曰君欲沮眾耶融退曰彼善用兵曠闇于事勢吾屬今必死矣曠等于太行與聰遇戰于長平之間曠兵大敗

融超皆死聰遂破屯留長子

銅鞮

通典潞州銅鞮縣漢縣有閼與故城

地形志銅鞮縣有鳥蘇城寰宇記閼

與城今名烏蘇城元和志斷梁城在縣東北三十里下臨深壑東西北三面阻澗廣袤六里俗謂之斷梁城晉

銅鞮宮在縣東十五里

水經注漳水歷鹿臺山與銅鞮水合水出

銅鞮縣西北石陞山

寰宇記石梯山在縣西北七十里

斷梁城卽故縣

之上虎亭也銅鞮水又東逕銅鞮縣故城北又東南流

逕須城西卽縣之下虎聚也

九域志襄垣縣有虎亭通鑑後周廣順元年潞州巡

檢陳思讓敗北漢兵于虎亭

沾

元和志并州樂平縣本漢沾縣晉置樂平郡于此又別

置樂平縣又儀州和順縣漢沾縣地隋開皇十年置隋志

和順舊沾嶺在樂平縣西三十里昔陽故城一名夕陽

城在縣東五十里寰宇記樂平山在縣東七十六里漢縣因山以名即古東山臯落氏之地

屬平水經注清漳水出大要谷南流逕沾縣故城東不

定軍水經以爲又南逕昔陽城又洞過水出沾縣北

歷其西過縣西山東流南屈逕受陽縣故城東按太康地記樂平郡有

受陽縣晉書石勒記烏丸張伏利度有眾二千壁于樂

平元海屢招不能致勒僞獲罪于元海因奔伏利度伏

利度大悅結爲兄弟使勒率諸胡寇掠所向無前諸胡

畏服勒知眾心之附已因會執伏利度告諸胡曰今起
大事我與伏利度孰堪爲主諸胡咸推勒于是釋伏利
度率其部眾歸元海通鑑建興四年石勒圍樂平太守
韓據于玷城

玷卽沾
之訛

據請救于劉琨琨新得拓跋猗盧

之眾欲因其銳氣以討勒箕澹衛雄諫曰此雖晉民久
淪異域未習明公之恩信恐其難用不若且內收鮮卑
之餘穀外抄胡賊之牛羊閉關守險務農息民待其服
化感義然後用之則功無不濟琨不從命澹帥步騎二
萬爲前驅琨屯廣牧爲之聲援石勒聞澹至將逆擊之
或曰澹士馬精強其鋒不可當不若且引兵避之深溝

高壘以挫其銳必獲萬全勒曰澹兵雖眾遠來疲弊號令不齊何精強之有今寇敵垂至大軍一動豈易中還若澹乘我之退而逼之顧逃潰不暇焉得深溝高壘此自亡之道也立斬言者以孔萇爲前鋒都督令三軍後出者斬勒據險設疑兵于山上前設二伏出輕騎與澹戰陽爲不勝而走澹縱兵追之入伏中勒前後夾擊大破之澹雄率千餘騎奔代郡韓據弃城并土震駭

石勒記據

奔劉琨琨長史李弘以并州降于勒

湟

通典潞州武鄉縣漢湟縣

寰宇記冀州圖云湟城在縣西六十里

又儀州

遼山榆社平城三縣漢涅縣地通典皆誤舊唐志遼山

縣魏改涅爲轅陽縣

按晉志涅縣屬上黨轅陽屬

元和

志晉又分涅置武鄉縣

寰宇記晉于今榆社縣西北三十五里置武鄉縣又五指山在

遼山縣東五十里上有一手一足之跡大如箕指數俱全千畝源在縣東南三十二里地方千畝平原高腴人

利賴其水經注涅水東逕涅縣故城南又東南武鄉水會

焉水源出武山西南逕武鄉縣故城西南得清谷口晉

書石勒記所居武鄉北原山下草木皆有鐵騎之象初

勒與李陽鄰居歲常爭麻地

地形志鄉縣有古麻池

送

相歐擊至是謂父老曰李陽壯士也何以不來涅麻是

布衣之恨孤方崇信于天下甯讐匹夫乎乃使召陽

襄垣

通典潞州襄垣縣漢舊縣

元和志井谷關在縣東南四十里置在天井谷深邃如井

因以為名魏武初遷鄴于此置關

水經注銅鞮水南逕胡邑西又東屈

逕其城南東逕襄垣縣入于漳通鑑永嘉三年太守龐

涇以壺關降漢劉琨以都尉張倚領上黨太守據襄垣

建興三年漢大司馬曜攻上黨敗劉琨之眾于襄垣曜

欲進攻陽曲

劉琨時在陽曲

漢主聰遣使謂之曰長安末平宜

以為先曜乃還屯蒲坂永和十一年上黨人馮鴛逐燕

太守段剛據安民城自稱太守遣使來降

地形志慕容儁時上黨郡

治襄垣縣

安民城

壺關

通典潞州上黨縣漢爲壺關縣又壺關縣古黎國地後

魏移壺關縣于此

地形志董卓作亂郡治壺關城按晉志上黨本治潞縣亂後應亦治壺關

元和志開皇十六年分壺關置上黨縣大業二年省壺關併入上黨縣武德四年重置古壺關在黎城縣東二

十五里水經注漳水又東北逕壺關縣故城西又屈逕其

城北故黎國也縣在屯留東有黎亭

通鑑永興二年離石大饑漢王淵徙

屯離亭就

邸閣穀魏志高幹叛執上黨太守舉兵守壺口關遣

樂進李典擊之未拔十一年太祖征幹幹乃留其將夏

昭鄧升守城自詣匈奴單于求救不得獨與散騎亡欲

奔荊州上洛都尉捕斬之晉書石勒記時胡部大張胄

督馮突莫等擁眾數千壁于上黨勒往從之深爲所昵
因說胄督曰劉單于舉兵誅晉部大拒而不從豈能獨
立乎曰不能勒曰如其不能當有所屬今部落皆被單
于賞募往往聚議欲叛部大歸單于矣宜早爲之計胄
督等素無智畧懼部眾之貳乃潛隨勒單騎歸元海元
海以勒統其眾元海使劉聰攻壺關命勒率所統七千
爲前鋒都督劉琨遣護軍黃秀等救壺關勒敗秀于白
田秀死之勒遂陷壺關通鑑永嘉二年并州刺史劉琨
使上黨太守劉惔率鮮卑攻壺關漢鎮東將軍慕容
廆戰敗亡歸太和五年秦王堅復遣王猛督鎮南將軍楊

安等十將步騎六萬以伐燕猛攻壺關安攻進陽燕主
暉命上庸王評將中外精兵三十萬以拒秦猛先壺關
執上黨太守南安王越郡縣皆望風降附留屯騎校尉
苟萇戍壺關引兵助安攻晉陽

法氏

通典澤州高平縣漢法氏縣又臨川縣漢法氏縣地隋

開皇中置

隋志齊末併法氏入高平元和志長平故城在高平縣西二十一里白起破趙四十萬眾

于此寰宇記省冤谷東西南北各六十步在縣西北二十五里本名殺谷唐開元十年正月玄宗行幸親祭改名省冤谷水經注絕水出法氏縣西北楊谷上黨記曰長平

城在郡之南秦壘在城西秦坑趙眾收頭顱築臺于壘

中因山爲臺崔嵬桀起今仍號之曰白起臺晉書劉淵
記遣建武將軍劉曜寇太原法氏屯留長子中都皆陷
之

高都

元和志澤州晉城縣本漢高都縣開皇十八年改爲丹

水縣貞觀三年改置晉城縣天井關在縣南四十五里

太行山上水經注丹水出高都縣故城東北阜下俗謂

之源源水白水出高都縣故城西所謂長平白水也東

南流厯天井關太元十五年晉征虜將軍朱序破慕容

永于太行遣軍至白水去長子百六十里

寰宇記白水在縣南二里

晉書王彌傳永嘉初寇上黨圍壺關東海王越遣淮南
內史王曠安豐太守衛乾等討之及彌戰于高都長平
間大敗之死者十六七慕容垂記垂進師入自天井關
至于臺壁

潞

通典潞州潞城縣漢舊縣又黎城縣漢潞縣地

地形志襄垣郡

刈陵縣漢曰潞縣有臺壁隋志潞城縣開皇十六年置
又黎城縣後魏以潞縣被誅遣人置十八年改名黎城
寰宇記三垂山在潞城縣西南二十七里劉聰遣將喬
琮攻晉上黨太守龐和于壺關敗之于三垂又冀州圖
云潞縣西三十里黃阜山有城亦名黃沙
嶺劉聰將綦母劄敗晉將崔恕于黃阜水經注漳水

逕潞縣南本潞子所立也世名之爲臺壁漳水左合黃